

Deut. 30. v. 20. Dominus Deus est vita tua & longitudo dierum tuorum, id est, causa vita longæva.

2 Reg. 4. v. 40. Mors est in olla, id est, res mortifera.

Jerem. 23. 6. Dominus justitia nostra, id est, causa justificationis nostræ.

Luc. 11. 14. Ejecit Christus demonium, quod erat mutum, id est, quod hominem quem possidebat reddebat mutum.

Joh. 11. 25. Ego sum resurrectio & vita, id est, resuscitator, seu is qui ex morte excitare potest.

Joh. 14. 6. Christus est via, veritas & vita, id est, est monstrator seu dux via, per quam venimus in cœlum.

Psal. 10. 7. Sub lingua ejus labor & dolor, hoc est, laborem ac dolorem efficit.

Psal. 14. 3. Venenum aspidum sub labiis eorum, hoc est, evomunt venenum.

Psal. 19. 9. Preceptum Domini lucidum, id est, lucidos nos efficit vel lucem in nobis accendit.

Psal. 26. 10. In quorum manibus iniquitates sunt, id est, quorum manus iniqua perpetravit.

Psal. 27. 1. Dominus est illuminatio mea & salus mea, id est, à quo illuminatio & salus mea.

Horat, 1, lib. Oda. 14.

Pallida mors aquo pulsat pede pauperum tabernas,

Regumque turres, ô beate Sestii.

Æneid. 6. Pallentesque habitant morbi tristisque se-nectus.

Eclog. 7. ————— Iam venit astas

Torrida, jam lato turgent in palmita gemma: quia astas reddit restoridas & palmes homines latos.

Cic. pro Milone. Negant intueri lucem fas esse ei qui à se hominem occisum fateatur, id est, vivere.

Ibid. Neque vobis tam salutarem hanc (videlicet A, qua prima est in Absolvo & reo salutaris est,) in judicando literam, quam illam tristem dedisset (scilicet C. qua prima est in verbo Condemno, & reo tristitiam affert.)